

# ՀԱՇՎԵՏՎՈՒԹՅՈՒՆ

2021 թվականի փետրվարի 10-ից 12-ը

Ռուսաստանի Դաշնություն (ք. Մոսկվա) գործուղման արդյունքների մասին

## 1. Անունը, ազգանունը՝

Էդվարդ Հովհաննիսյան

## 2. Զբաղեցրած պաշտոնը՝

ՀՀ պետական եկամուտների կոմիտեի նախագահ

## 3. Գործուղման վայրը և ժամկետները՝

Ռուսաստանի Դաշնություն, ք. Մոսկվա, փետրվարի 10-ից 12-ը

## 4. Հրավիրող կողմը՝

Ռուսաստանի Դաշնության դաշնային հարկային ծառայություն

## 5. Գործուղման նպատակը (աշխատանքային որ խնդրի լուծման համար էր նախատեսված գործուղումը՝

ՀՀ պետական եկամուտների կոմիտեի և Ռուսաստանի Դաշնության դաշնային հարկային ծառայության միջև համագործակցության ընդլայնման հարցերի քննարկման, ինչպես նաև Ռուսաստանի հարկային վարչարարությունում առաջադեմ թվային տեխնոլոգիաների կիրառման փորձին ծանոթանալու նպատակով:

## 6. Քննարկված թեմաները՝

Հանդիպման ընթացքում քննարկվել են ՀՀ ՊԵԿ և ՌԴ դաշնային հարկային ծառայության միջև համագործակցության ընդլայնման հարցեր, դիտարկվել են Հայաստանի և Ռուսաստանի հարկային վարչարարությունում կիրառվող առաջադեմ թվային տեխնոլոգիաների, պետության և բիզնեսի միջև թվային փոխգործակցության կառուցման շուրջ փորձի փոխանակման հնարավորությունները: Մասնավորապես, այցի ընթացքում կողմերը փոխանակվել են ապրանքների հետագծելիության ազգային համակարգերի ստեղծման ոլորտում ՀՀ ՊԵԿ և ՌԴ հարկային ծառայության փորձով: Համակարգերը մշակվում են ԵԱՏՄ միջազգային պայմանագրի շրջանակում և կապահովեն հարկային ու մաքսային վարչարարության միասնական մեխանիզմի ստեղծումը: Համակարգերը ավտոմատացված ռեժիմով կբացահայտեն այն ապրանքները, որոնց մասով չեն վճարվել հարկային ու մաքսային վճարները, ինչպես նաև կհայտնաբերեն

անբարեխիղճ հարկատուներին: Հետագծելիության մեխանիզմը հիմնված է հարկատուների միջև պարտադիր էլեկտրոնային փաստաթղթաշրջանառության՝ հետագծելիության վավերապայմանները պարունակող հաշիվ-ապրանքագրերի վրա:

## **7. Հանդիպումները, ելույթները, բարձրացված կամ քննարկված հարցերը՝**

Կայացել է հանդիպում Ռուսաստանի Դաշնության դաշնային հարկային ծառայության ղեկավար Դանիլ Եգորովի հետ, որի ընթացքում քննարկվել է ԵԱՏՄ շրջանակում փոխադարձ առևտրում ապրանքների շրջանառության ֆիսկալ մոնիթորինգի միասնական էլեկտրոնային հարթակի ստեղծումը, որի ձևավորման նպատակներն են ԵԱՏՄ-ում փոխադարձ առևտրում ապրանքների շարժի թափանցիկության և անուղղակի հարկերի վճարման ամբողջականության ապահովումը, ԱԱՀ-ի գրոյական դրույքաչափի ավտոմատ հաստատումը, ԵԱՏՄ-ում փոխադարձ առևտրի մասնակիցների թվային նույնականացման ներդրումը, հարկային վարչարարության կատարելագործումը՝ իրավական նշանակություն ունեցող ֆիսկալ տեղեկությունների փոխանակման միջոցով, հարկ վճարողների համար էլեկտրոնային ծառայությունների ընդլայնումը: Ֆիսկալ մոնիթորինգի համակարգի ներդրման սկզբնական փուլում Հայաստանն առաջարկել է Ռուսաստանին ներդնել և գործարկել մեխանիզմի պիլոտային ծրագիրը:

Հանդիպման ժամանակ քննարկվել են նաև հարկային վարչարարությունում առաջադեմ թվային տեխնոլոգիաների կիրառման հետ կապված հարցեր: Նշված հարցերը քննարկելիս Ռուսաստանի և Հայաստանի հարկային մարմինների ղեկավարները փոխանակվել են երկու կառույցներում կիրառվող ՀԴՄ-ների օգտագործման ավտոմատացված կառավարման համակարգերի զարգացման փորձով:

## **8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը՝**

Հանդիպման արդյունքում պայմանավորվածություն ձեռք բերվեց ապրանքների հետագծելիության վերաբերյալ երկկողմ պիլոտային ծրագրի իրականացման հետ կապված, որն իր հերթին կնպաստի ԵԱՏՄ տարածքում ապրանքների հետագծելիության միասնական համակարգի ստեղծմանը:


**9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները՝**

Հանդիպման արդյունքում որոշվել է ստեղծել էլեկտրոնային փաստաթղթաշրջանառության զարգացմանն ուղղված աշխատանքային խումբ և համապատասխան պիլոտային ծրագրի իրականացման համար մշակել առաջարկություններ: Էլեկտրոնային փաստաթղթաշրջանառության համակարգը հնարավորություն է տալիս կրճատել ծախսերը և հիմք է ստեղծում անտեսանելի հարկային վարչարարության համար:

Հանդիպման ավարտին ՀՀ ՊԵԿ-ի և ՌԴ դաշնային հարկային ծառայության ղեկավարները կարևորել են Հայաստանի և Ռուսաստանի հարկային մարմինների միջև հետագա փոխգործակցության անհրաժեշտությունը:

**10. Ստորագրությունը, ամսաթիվը**

 Recoverable Signature

X 

ԷԴՎԱՐԴ ՀՈՎՀԱՆՆԻՍՅԱՆ

Signed by: HOVHANNISYAN EDVARD 2001830505

16.02.2021թ.